



## Universitätsbibliothek Paderborn

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

7. Aerumnosis Fortunæ Casibus, hominum insolentiam refrænari, & excitari indolem: & Catharin[a]e Aragoni[a]e. de fortuna judicium.

**urn:nbn:de:hbz:466:1-45653**

recepit, & propterea illic torquebatur, & quod hoc esset in causa, neulla ibi frueretur consolacione. Audi, quid dicat Abraham: Fili, receperisti bona, in vita tua, itaq; nunc dolorem patere. Quod autem Lazaro bona data sunt, quia hic, cum virtute, infinitas passus molestias fuerit, Patriarcham & hoc dicentem audi. Cum enim dixisset diuiti: Recepisti bona, intulit: Lazarus mala, & propterea consolatur. Terribilis sententia, & quae merito suspectam faciat omnem Mundi prosperitatem. Tametsi enim causa damnationis non sit, omnis vita huius delectatio, sed peccata, signum tamen est futuræ damnationis, sculi istius prosperitas. Siquidem non iudicat Deus bis in idipsum. Quos ergo, hic, remunerat, alibi punit; & quos hic punit, ijs alibi præmia largitur. Nemo enim adeò malus est, vt non faciat aliquid subinde boni, ob quod à Deo mercedem accipit; nemo adeò bonus, vt non aliquando admittat peccatum veniale saltem. Recepit ergo infeliciter epulo in hac vita, fortunatè Lazarus in altera, quidquid vterq; boni vñquam gessit: recepit Lazarus in hac Epulo in altera, quidquid mali admissit. Vtrius fuit optabilior conditio? Optimè hanc quæstionem decidit D. Augustin. in illa verba. Deus tu propitius fuisti eis, & uincens in omnes aduentiones eorum, ait enim: Non solum donans peccata, sed etiam vindicans, propitius fuisti. Videte, fratres, quid hic commendauit, aduertite. Illi Deus irascitur, quem peccantem non flagellat. Nam cui verè propitius est, non solum donat peccata, ne noceant ad futurum seculum, sed etiam castigat, ne peccare delectet.

S. Augustin.  
in Psal. 98.8.

Atque inde se exerit quartum mala Fortuna remedium, vt sciamus, Deum, instar aurigæ equum exorbitantem scuticæ habens, in via retinentis, homines in officio continere, Fortunæ flagellis. Quem alium in finem Deus minatur prævaricatoribus famem aliisque mala dicens: Canete, ne forte decipiatur cor vestrum, & rece-  
datis à Domino, seruatisq; diis alienis, & adoretis eos: iratusq; Domi-  
nus claudat cœlum, & pluiae descendant, nec terra det gerumen suum,  
pereatisq; velociter de terra optima, quam Dominus datus est vobis? Testis huius remedij est Catharina Aragonia, quæ ab Henrico VIII, Anglorum rege, vt Annæ Bolenæ pellici locus daretur, indignissi-  
mis modis repudiata, insigniter ostendit, probitate, industriam, cete-  
rásq; bonas artes, neq; dare, neq; eripere cuiquam fortunam posse. Quip-  
pe incredibili constantia animi, inconstantiam Fortunæ, casumque  
acerbissimum tulit. Tanta patientia radix fuit, quod sciret, Deum  
ciuscemodi æruminis, tanquam fræno vti, quo homines reguntur.

## VII.

Deut. 11.16.

Nicol. San-  
derus l. r. de  
Schismate  
Anglicano.  
& Surius An  
no 1535.

Solebat enim sæpiissime apud suos, dicere: Fortunam se, nec asperri-  
mam, nec leuissinam, si daretur optio, electuram; cum utraq; suasten-  
tationes ac pericula habeat, sed medium potius temperatam. Sitamen  
alterutra eligenda esset, malle se tristissimam, quam blandissimam: in-  
felicibus enim raro deesse consolationem, fortunatissimis fere semper men-  
tem. Huic heroidi optionem non dedit Deus, sed Fortunam dedit  
planè tristissimam; vñā tamen & hanc ipsam consolationem im-  
pertiuuit, vt nosset, infelicibus non deesse consolationem, illam  
scilicet, quia nōrunt, à Deo profecta aduersa in magnas utilitates.  
Itaque oblatam vtramuis fortunam iuxta suscipere discat, qui ani-  
mo esse tranquillo cupit. Aliud enim est animus tranquillus, aliud  
tranquilla *Fortuna*. Ille in tuto est; hæc, cum blanditur, tunc vel  
maximè metuenda est. Quod vel Demetrius vidit, qui vitam se-  
curam, & sine villis Fortune incursionibus mare mortuum vocat. Nihil  
habere, ad quod exciteris, ad quod te concites, cuius denunciatione & in-  
cursu firmatatem animi tui tentes: sed in ocio incusso iacere, non est tran-  
quillitas, malitia est. Ferrum diu intactum, rubigine operitur &  
fœdatur; si lima & ignis accedat, ita repurgatum splendet, vt ful-  
gore argentum imitetur. In ferro hominem vides, quem expolit,  
quod mordet; purgat, quod vrit; & plerumque, si illi benè est,  
ille bonus non est.

## VIII.

.117

S. Ambros.  
lib. 9. super  
Luc.

Sicut enim lasciviam amant atq; superbiam res secundæ, ita  
aduersæ animum enigunt, dū corrigunt. Quod erat è remedij quin-  
tū. Itaq; sæpe opes, sæpe liberi, sæpe officium ab aliquo aufertur, vt  
occasio peccandi auferatur, emendeturq; is, qui diuitiarum cupi-  
ditate, aut amore liberorum, aut officij necessitate peccauit. Sic  
mensa nummulariorum euerritur, vt Domini subrogetur: aradeyctur,  
ut erigantur altaria, ait S. Ambrosius. Atq; hoc non aliqua succin-  
tus manu diuitijsq; faciebat (Christus) sed flagello de restibus cedebat  
turbae, & raffigere nullus audebat. Et nunc virga vtitur, nunc flagello.  
Virga enim recta est, virga regni tui. Virga, ut corrigit: flagello, ut  
suadeat. Directa illic, hic moralis, quasi inflexa præceptio, qua peccato-  
ris conscientia velut lento verbere flagellatur. Alij sunt enim terrores  
Prophetici, aliæ Apostolicæ suasiones, in utroq; tamen unius est verbi dis-  
ciplina. Et ideo flagellum de restibus fecit, quia funes ceciderunt, in-  
quit, mihi in præclaris: etenim hæreditas mea præclara est mihi. Qui  
æger est sanitatis causa, libenter sustinet medici sectionem: insa-  
nit peccator, si virgam odit; si se subducit flagello, quo redinci-  
tur ad